

## DOMENIE XXVI «VIE PAL AN»

### Antifone di jentrade Dn 3,31.29.30.43.42

Signôr, dut ce che tu nus âs mandât tu lu âs fat seont une sentence vere;  
o vin pecjât cuntri di te, no vin ubidît ai tiei comandaments;  
ma cumò dai glorie al to non e tratinus seont la ricjece dal to boncûr.

### Colete

Diu, che tu palesis la tô plui grande fuarce  
cuant che tu perdonis e tu âs dûl,  
fâs risinâ cence polse sore di nô la ô gracie,  
par che o corin viers di ce che tu âs imprometût  
e o spartin cun te l'ereditât dal cil.  
Pal nestri Signôr Jesù Crist to Fi, che al è Diu  
e cun te al vîf e al regne dutune cul Spirtu Sant,  
par ducj i secui dai secui.

### PRIME LETURE Ez 18,25-28

Se il trist si mende de tristerie che al à vude, si salvarà.

Dal libri dal profete Ezechiel

Cussì al dîs il Signôr: «Vualtris o disê: Nol è just il mût di fâ dal gno Signôr!  
Scoltaim ben, cjase di Israel. Isal il gno mût di fâ che nol va o no isal forsit il vuestri fûr di plomp?  
Se il just si slontane de justizie, nol è plui just e si bute malamentri e par chel al mûr, al à di murî  
pal mäl che al à fat! Se invezit il trist si mende de tristerie che al à vude e al met in vore lis leçs e la  
justizie, si salvarà. Se, spaventât, si mendarà di dutis lis ribelions che al à fatis, sigûr che al vivarà,  
nol à di murî».

Peraule di Diu.

### SALM RESPONSORIAL dal Salm 24

R. Visiti, Signôr, dal to boncûr.

Mostrimi, Signôr, lis tôs stradis,  
insegnimi i tiei trois.

Fasimi lâ indenant te ô fedeltât,  
parcè che tu tu sês il Diu che mi salve  
e dute la mari dal dì jo ti spieti. R.

Visiti, Signôr, dal to boncûr  
de ô misericordie che di simpri e dure.

I pecjâts che o ài fats di zovin  
e lis mês colpis dismementeilis,  
visiti di me seont il to boncûr,  
Signôr, te ô misericordie. R.

Bon e just al è il Signôr;  
par chel al indreçarà i pecjadôrs pe sô strade.  
Al fasarà cjaminâ i puars te sô justizie  
e ur insegnarà la sô strade. R.

### SECONDE LETURE Fil 2,1-11

Cirít di sinti dentri di vualtris ce che al à di sinti che al è in Crist Jesù.

De letare di san Pauli apuestul ai Filipês

Fradis, se e je une consolazion in Crist, se al è un confuart che al vegni dal amôr, se e je une cualchi colegance di spirt, se al è un cûr plen di compassion, jemplaintmi di gjonde cul lâ dacuardi, cul praticâ il stes amôr, cul stes volê e cul stes sintî. No stait a fâ nuie par ambizion ni par supierbie, ma cun dute umiltât stimait chei altris plui bogns di vualtris; no smicjant ognidun a fâ dome i siei interès ma ancje chei di chei altris.

Cirît di sintî dentri di vualtris ce che al à di sintî chel che al è in Crist Jesù,

lui che, jessint Diu par nature,  
nol à ritignût un ben di no molâlu  
il so jessi compagn di Diu,  
ma si è ridusût a nuie  
cjapant sù la nature di sotan  
e deventant compagn dai oms;  
comparît in forme di om,  
si è sbassât inmò di plui  
fasintsi ubidient fin a la muart  
e a la muart di crôs.  
Par chel Diu lu à puartât in alt  
e i à dât chel non  
che al è plui alt di ogni altri non,  
par che tal non di Jesù  
si plei ogni zenoli  
des creaturis dai cîi, de tieres e di sot tieres  
e ogni lenghe e professi  
che Jesù Crist al è il Signôr,  
a glorie di Diu Pari.

Peraule di Diu.

### CJANT AL VANZELI Zn 10,27

R. Aleluia, aleluia.

Lis mês pioris a scoltin la mê vôs, al dîs il Signôr,  
jo lis cognòs e lôr mi vegnин daûr.

R. Aleluia.

### VANZELI Mt 21,28-32

Pintût, al lè. I publicans e lis sdrondinis us passin denant tal ream dai cîi.

Dal vanzeli seont Matieu

In chê volte, Jesù al disè ai sorestantis dai predis e ai anzians dal popul: «Ce us parial? Un om al veve doi fîs. Lant a fevelâ cul prin, i disè: Fi, vuê va a vore tal vignâl. Chel i rispuindè: O voi, paron; ma nol lè gran. Al lè a fevelâ cul secont e i disè la stesse robe. Chel i rispuindè: No voi. Ma dopo, pintût, al lè. Cuâl dai doi aial fate la volontât dal pari?». I rispuindin: «L'ultin». E Jesù a lôr: «Us al dîs in veretât: i publicans e lis sdrondinis us passin denant tal ream dai cîi. Di fat al è vignût Zuan su la strade de justizie e vualtris no i vêts crodût; invezit i publicans e lis sdrondinis i àn crodût. Vualtris, seben che o vêts viodût, no si sêts pleâts nancje dopo a crodi in lui».

Peraule dal Signôr.

### Su lis ufiertis

Diu di misericordie,  
danus la gracie che cheste nestre ufierte ti plasi  
e nus spalanchi la risultive di ogni benedizion.  
Par Crist nestri Signôr.

**Antifone a la comunion cf. Sal 118,49-50**

Impensiti, Signôr, de peraule che tu i âs dade al to famei,  
tu mi âs dât parie ancje la sperance;  
chest mi à dât confuart te mê miserie.

**O ben: 1 Zn 3,16**

Di chest o vin cognossût l'amôr di Diu:  
lui al à dade la sô vite par nô;  
par chel ancje nô o vin di dâ la nestre vite pai fradis.

**Daspò de comunion**

Il misteri dal cîl che nus ristori, Signôr,  
te anime e tal cuarp, par spartî inte glorie l'ereditât  
di chel che o partecipìn a la sô passion e o proclamìn la sô muart.  
Lui che al vîf e al regne tai secui dai secui.